



Mein lieber Freund August

grüßet herzlich

Erst
Nr. 30. 10. 43.

Jahresbericht

über

das Königliche Gymnasium zu Marienwerder
von Michael 1844 bis Michael 1845.

W o m i t

zu der öffentlichen Prüfung aller Klassen der Anstalt
den 9ten Oktober 1845

ergebenst eruladet

der Direktor

Professor Dr. Lehmann.

Vorausgeschickt ist eine Abhandlung des Oberlehrer Dr. Schröder:

„De praecisis iuraudi formis Graecorum et Romanorum.“

Marienwerder, 1845.

Gedruckt bei Friedr. August Harich.

Mein lieber Freund August

grüßet herzlich

Aspern
Nr. 30. 10. 43.

Jahresbericht

LIBRARY
OF THE
UNIVERSITY OF ILLINOIS

16 8

über

das Königliche Gymnasium zu Marienwerder
von Michael 1844 bis Michael 1845.

W o m i t

zu der öffentlichen Prüfung aller Klassen der Anstalt
den 9ten Oktober 1845

ergebenst eruladet

der Direktor

Professor Dr. Lehmann.

Vorausgeschickt ist eine Abhandlung des Oberlehrer Dr. Schröder;

„De praecisis iuraudi formis Graecorum et Romanorum“

Marienwerder, 1845.

Gedruckt bei Friedr. August Harich.

THE INDEPENDENT

1911

Published for the Proprietor by the Independent Press, Ltd., at the Independent Press, Ltd., 10, Abchurch Lane, London, E.C. 4.

Printed and Published by the Independent Press, Ltd., at the Independent Press, Ltd., 10, Abchurch Lane, London, E.C. 4.

—

1911

De praecisis iurandi formis Graecorum et Romanorum.

Ex universa quaestione, quam me de veterum iurandi formulis perscripturum esse nuper significaveram, in praesens illum locum selegi, qui est de formula *μὰ τὸν* et similibus. Etenim antiquitus traditum est et usu scribentium confirmatum, consuesse Graecos in iuramentis iis, quae maioris fidei causa sexcenties quotidiano sermoni intexebant, nomen eius dei, per quem iusiurandum conciperetur, interdum reticere atque suppressere, quod deierandi genus sunt qui unis Atticis vindicent. De causa autem eius praecisionis minus constat inter auctores. Schol. Aristoph. 1394. Dind. Ἔθος ἐστὶ τοῖς ἀρχαίοις ἐνίοτε μὴ προστιθέναι τὸν θεὸν, εὐλαβείας χάριν. εὐώθεισαν δὲ τοῖς τοιούτοις ὅρκοις χρῆσθαι ἐπευφημιζόμενοι ὥστε εἰπεῖν μὲν μὰ τὸν, ὄνομα δὲ μὴκέτι προσθεῖναι. Schol. Platon. Gorg. 466. Ε. Ἐλλειπτικῶς ὁμνύει πρὸς τὴν εὐλαβείαν καὶ πρᾶξιν ἐνδείξιν. Philo Iudaeus De spectacul. II. 271. Mang. Εὐώθασιν γὰρ ἀναφθεγγόμενοι τοσοῦτον μόνον, ἢ τὸν ἢ μὰ τὸν, μηδὲν παραλαβόντες ἐμφάσει τῆς ὀποιοκτῆς τραγοῦν ὅρκον οὐ γενόμενον. Gregor. Corinth. pag. 150. Καὶ τὸ ἐλλειπτικῶς ὁμνύειν, μὰ τὸν, μὴ προστιθέντας θεὸν, Ἀττικόν ἐστι. Triclinius ad Sophocl. Electr. 1063. Brunck. Νοεῖν χρὴ τοῦτο (omissum μὰ) ἐξωθεν Ἀττικῶς. Οὗτοι γὰρ οὐ μόνον τὸ μὰ λαμβάνουσιν ἐξωθεν, ὡς τὸ Οὐ τὰν, ἀλλὰ καὶ τὸ μὰ τιθέντες τὸ τοῦ θεοῦ παραλείπουσιν ὄνομα. Suidas s. v. Ναὶ μὰ τό. Οἱ ἀρχαῖοι οὐ προπετῶς κατὰ τῶν θεῶν ὅμνον, ἀλλὰ κατὰ τῶν προστυγχανόντων, ὡς καὶ Μένανδρος· Μαρτύρομαι τὸν Ἀπόλλω τοῦτον καὶ τὰς

θύρας.*) καὶ Ὀμηρος· Ναὶ μὰ τόδε σκήπτρον. καὶ Ἐκάλη εἶπε· Ναὶ μὰ τόν. καὶ οὐκ ἐπάγει θεόν. Ῥυθμίζει δὲ ὁ λόγος πρὸς εὐσέβειαν. Τοιούτου σχήματός τε καὶ ἡθους καὶ τὸ Ναὶ μὰ τάς. ὡς εἶπερ εἶποι τις. Μὰ τὰς Χάριτας. Idem Νῆ τήν, μὰ τήν, ἑλλειπτικὸν κατὰ τὸ Μὰ τόν καὶ μὰ τάς. Photius Lex. p. 245. Pors. Ναὶ τάν· οὕτως ὦμνον. Idem p. 257. Νήτην: μάτην (legendum est νῆ τήν: μὰ τήν.). Hesychius οὐ μάτην, οὐκ ἀληθῶς Μένανδρος ἐν Ὀργῇ, de quo loco post dicam. Idem Ναὶ τάν· οὕτως οἱ ἀρχαῖοι, θεῶν ὀνόματα μὴ προστιθέντες.

Tot igitur testium auctoritate moti, licet non ab omni parte consentientium inter se, facile tamen inducemur ad credendum, non unum aliquem scriptorem, neque Atticos tantummodo, sed omnes omnium dialectorum auctores decurtatum illud genus iuramentorum ex communis sermonis consuetudine profectum adoptasse; cum vero nemo illorum grammaticorum totam rem complectatur, sed alter alterius et praeceptis supplementum adstruat et fidem suo testimonio confirmet, nostrum erit, et singulas eius iurisiurandi formas percensere, et quae sit cuiusque origo quacque religio, exponere. Etenim quum inter omnes illos, quos attuli, sponsores communiter constet, neque neutro genere articulum, neque duali numero, iurantibus adhibitum esse, efficitur, ut hae formae in vulgari Graece loquentium usu versatae esse videantur,

Atticorum et Ionum ναὶ μὰ τόν et τήν

ναὶ μὰ τοὺς et τάς

οὐ μὰ τόν et τήν

οὐ μὰ τοὺς et τάς,

Atticorum separatim νῆ τόν et τήν

νῆ τοὺς et τάς,

Doriensium ναὶ (Bocotorum νεὶ) τόν et τάν

ναὶ τὼς et τάς

οὐ τόν et τάν

οὐ τὼς et τάς.

*) Bentlejus hunc Menandri locum, quod nihil haberet cum formula Ναὶ μὰ τόν commune, in ea autem explicanda et exemplis demonstranda omnis Suidae opera versaretur, sic corrigendum censuit:

Μαρτύρομαι ᾧ, ναὶ τόν Ἀπόλλω τουτονί,

Ναὶ τὰς θύρας.

Cui coniecturae assentiri hoc vetat, quod ne in hac quidem lectione plena et illibata formula ναὶ μὰ τόν comparet, deinde quod ναὶ cum solo Accusativo coniungere omissa voce μὰ, contra quam supra docuit Triclinius, non Atticum est, sed Doriensium proprium, denique quod deierandi et contestandi verba ipsa non istis voculis ναὶ aut ναὶ μὰ adduntur, sed aut μαρτύρομαι τόν Ἀπόλλω, aut ναὶ μὰ (νῆ) τόν Ἀπόλλω, negativa oratione οὐ (μὰ) τόν Ἀπόλλω Graece dicendum est. Hanc duplicem legem qui bene reputaverit, ei ne Meineckii quidem coniecturae ab omni parte satisficient, quas binas in Menandr. fragment. p. 256 proposuit. Mihi quidem verbum μαρτύρομαι a genuinis Menandri verbis alienum esse et in eo ipso corruptionis origo latere videtur; itaque adhibita correctione ea, ad quam ferunt ipsi litterarum ductus, sic Suidae locum rescribendum esse conicio: ὡς καὶ Μένανδρος μαρτυρεῖ· Ναὶ μὰ τόν Ἀπόλλω τουτονί καὶ τὰς θύρας.

Sunt autem hae formae numero viginti, quem quidquid exsuperat, alienum erit aut secum pugnans, velut *ναὶ μὰ τόν, οὐ τήν, ἢ τάν*, alia. Sed ne illarum quidem formarum, quibus per grammaticorum decreta uti sine dubio licuit (*ἐκείναις τοῖς τοιοῦτοις ὅροις χρῆσθαι*), par est omnium causa aut fides, sed pleraeque una nituntur coniectura, neque indubitata et expressa antiquorum scriptorum fide ratae esse iuventur. Contestatum est *ναὶ μὰ τόν*; usus est enim hac formula Callimachus in Hecale (apud Suid. s. v. *ναὶ μὰ τό*) et bis Aelianus; probum item est *οὐ μὰ τόν*, vel quod eiusdem potestatis est, *μὰ τόν — οὐ*, quibus usi esse scriptores inde ab antiquae Attidis temporibus usque ad senescentem Graecitatem reperiuntur, Aristophanes comicus et Plato, isque fortasse aut hac aut simili formula etiam saepius*), et apud Suidam s. v. *παρὰ τὸν* scriptor, quem scriptorem Aelianum esse mihi quidem Toupius (Emendatt. II. pag. 324) persuasit, et Philodemus, et Strato Sardianus, et Diogenes Laertius, et Agathias et Theophylactus Simocatta. Deinde *ἢ τόν* quoque iuratum esse et quidem atticissantibus, Philoni credi eo magis par est, quod altera forma ab eodem prodita *μὰ τόν* non semel sed saepius apud bonos auctores legitur. Haec si probabilia sunt et si quid ex proportionem audere licet, suspicione liberantur etiam *ναὶ (νεὶ) τόν* et *οὐ τόν*, quarum formarum causa etsi a nullo eorum, qui Dorice scripserunt, suscepta est, tamen non minus Dorienses quam Atticos his decurtatis iuramentis uti solitos, evincit auctoritas Photii et Hesychii.

In his quinque igitur indefiniti iurandi formis, quae commune habent et genus masculinum et numerum singularem, num cuius dei nomen supplendum esset et cuiusnam potissimum, nemo testium aut indicavit aut potuit indicare, neque ipsi antiqui ita iurati certo scivisse videntur. Sed iurasse tamen, etiamsi deum iurativum nullum addidissent, dicuntur ab illis, quorum testimonia supra attuli, grammaticis appellaturque ista compendiarie formula nihilominus ὅρκος. Itaque masculino illi genere, ut potiore, utebantur eodem modo, quo Ulixes de Circa loquens Od. X, 573:

Κίρην

Ἦτα παρὰ ξελθοῦσα· τίς ἂν θεόν οὐκ ἐθέλοντα

ὀφθαλμοῖσιν ἰδοίη, ἢ ἐνθ' ἢ ἐνθα κοιόντα;

*) Neque enim mihi probatur, quod voluit Meinekius (Menandr. pag. 131.), a scholiasta Aristophanis Ran. 1394, cum enarrasset Platonem quoque τῷ τοιοῦτῳ ὅρῳ χρῆσθαι, Platonem comicum, non philosophum illius consuetudinis defensorem dictum esse. Nam illum si dixisset scholiasta, non dubito, quin aliquid additurus fuerit, quo, uter auctor laudaretur, planius perspicui posset. Itaque si quis Platonem testem adhibet, is non alium dixisse putandus est, nisi philosophorum Homerum. Neque notandus erat Meinekio Valckenarius, qui se in Platonis dialogis illam, quam dixerat scholiasta Aristophanis, iurandi formulam non reperisse confessus erat (Callimach. fragm. ed. Luzac. pag. 21.). Scilicet ante Heindorfi tempora ne in Gorgia quidem (cap. 49) formula illa legebatur, a scholiasta Platonis nominatim contestata et ad facitissimi simulacris Socratis sermonem apprimae apta, sed fortasse etiam pluribus locis per scribarum ignorationem obscurata.

atque adeo ex vulgari Graecorum usu (Interpp. ad Xenoph. Mem. II, 7, 2. cf. Hermann. ad Viger. pag. 715. ed. II.); singulari autem utebantur numero, quod, etsi in ambiguo relinquebant, per quem potissimum deum iusiurandum concepissent, ad unum tamen aliquod numen ὄρκιον, non ad plura, propendebat et vulgatiores Graecorum in decerando consuetudo et natura inclinant quorumvis iurantium animi. Itaque hoc genus iurationis merito refertur ad ellipsin, quum, quacunque causa ab nomenclatione is, qui iuraturus erat, abstinuit, velut moderatione animi motus, vel reverentia deorum, vel etiam affectatione pietatis et simulatione, iurasse tamen et plene quidem, si non ad grammaticam normam, ad affectum certe animi, dici potest. Nec tamen ab una ellipsi, quam vocant, omnia iuramenta manca repetenda sunt: restat alterum genus ad speciem illi affine, sed et ortu diversum, et longius patens, ab obticentia profectum. Quo antiquos usos esse ibi statuendum erit, ubi, quum qualicunque de causa non ad exitum pervenisset oratio, loquenti et iurare volenti obversatum tamen aliquid fuerat, quod ad complendam orationem pertineret, non enunciatum illud, quia aposiopesis supplet gestus et vultus, sed tamen mente conceptum. Quo fit, ut eiusmodi iusiurandum ne factum quidem putetur, idque illud est, quod dicitur a Philone ἐμφάσει τῆς ἀποκοπῆς τρανοῦν ὄρκιον οὐ γενόμενον (Reiz. de Inclinat. pag. 14.). Ut vero in superiore familia iuramentorum ab ellipsi repetendorum dominatur masculinus articulus, ita in aposiopesi per rei naturam omnium et generum et numerorum articuli locum habere possunt, quamquam neutrius generis et dualis numeri nullum exstat aut scriptoris exemplum aut grammatici testimonium. Ceterum elliptice an reticenter pro re nata antiqui mallent iurare, in suo cuiusque arbitrio positum erat, neque in his privatim confabulantium et familiariter consuescentium formulis ullus periurii metus peremptoria lege discretum esse voluit. Neque vero decurtati iurisiurandi maior religio erat quam perfecti et per dei cuiuslibet nomen concepti, et eius quidem, quod ducitur ab obticentia, fere nulla. Nam omnes iurandi formulae ad ornatum sermonis et ad affectum plurimum valuerunt, ad iustitiam vero et fidem tantum pertinuerunt, quantum quisque maiore erat minoreve sanctimonia et verecundia animi.

Sed iam tempus est, quod de duplici genere iuramentorum praecisorum dixi, exemplis confirmare. Vero igitur, quamquam moderate, iurasse censendus est Socrates apud Platonem Gorg. c. 49: Πῶλος· Οὐκοῦν τοῦτό ἐστι τὸ μέγα δύνασθαι; Σωκρ. Οὐχ, ὥς γέ φησι Πῶλος, II. Ἐγὼ οὐ φημι; φημι μὲν οὖν ἔγωγε. Σ. Μὰ τὸν οὐ σύγε, ἐπεὶ τὸ μέγα δύνασθαι ἔφησ ἀγαθὸν εἶναι τῷ δυναμένῳ, quo loco nihil quidem impedit, quominus iurisiurando addatur, quod in quibusdam libris manu scriptis reperitur, Δία, aut quod praebetur a Stobaeo, κίνα; sed ad πάθος et ad leporem plurimum interest, retineri lectionem scholiastae. Eadem fere, quae Platonis, ratio est iurisiurandi Aristoph. Ran. 1394. et eius epigrammatis, quod in Lyconem se fecisse gloriatur Diogenes Laertius V, 4, 7. Affectatae et religionis et elegantiae Atticorum est Aelian. Histor. anim. III, 19 et IV, 29: Φώκη δὲ, ὥς ἀκούω, τὴν πνίτιαν τὴν ἐαυτῆς ἐκροφεῖ, ἵνα μὴ τοῖς ἐπιλήπτοις ἢ ἰᾶσθαι. Βάσκανον δὲ τὸ ζῶον ἢ φώκη ναὶ μὰ τόν. — Τῆς δὲ θορυθοῦς ἀπολλοκαλίας ἐπιβάλλει αἰτὸς (ὁ ἀλεκτριών) καὶ ἐκλέπει τὰ ἐξ ἐαυτοῦ νεόττια σιωπῶν. οὐ γὰρ ἄδει τότε θαυμαστῇ τινι καὶ ἀποδότητι τῇ αἰτίᾳ ναὶ μὰ τόν. (Scilicet redundat liber Aeliani etiam alibi clementiae pietatis

simulatione, velut IX, 33; XIV, 13 et 26; XV, 11 cett.). Non absimilis est Theophylacti locus Histor. II, 9, nec multum distat Philodemi Epigramma VIII. flagitii et scurrilis ditacitatis plenum ideoque volubilis et concepti per aliquem deum iurisiurandi minus capax.

Alterum genus iuramentorum, quod ad reticentiam revocandum esse monui, nulla re melius illustratur, quam Stratonis Sardiani Epigrammate XLIII:

Εἰ μὴ νῦν Κλεόνικος ἐλεύσεται, οὐκέτι' ἐκείνον.

Λέξομαι ἐγὼ μελάθροισι οὐ μὰ τὸν... οὐκ ὁμόσω.

quem locum in eadem causa ad partes vocavit Reizius et Koenius ad Gregor. Corinth. pag. 151. Similis locus et omisso adeo articulo notabilis est Meleagri Epigr. LII, init.

Ναὶ τὰν Κύπριν, Ἔρωσι, φλέξω τὰ σὰ πάντα πυράσας

Τόξα τε καὶ Σκυθικὴν ἰοδόκον φαρέτρην.

Φλέξω, ναί.... τί μάταια γελᾷς, καὶ σίμα σεσηρῶς

Μυχθίζεις;

Peroraturus erat, si fallor, ναὶ τὰν (Κύπριν), vel simili iureiurando. Cur autem Agathias in Epigrammate LXXXVIII.

A. Ὁ γένε, τί κλαίεις; B. Διὰ σὸν μῦθον. A. Οἶσθα, τίς εἰμι;

B. Οὐ μὰ τὸν... ἀλλ' ἔμπης οἰκτρὸν ὁρῶ τὸ τέλος. κ. τ. λ.

sic modeste iuret tanquam qui iurasse nolit, liquet ex praestantissima Jacobaei coniectura, qui fictum cum sermonem esse docet quasi matris mortuae et filii ad illius sepulcrum colloquentiam. Itaque filius, quis ibi situs sit, haud ignorans quum sancte et per aliquem deum iurare non possit, ignorari a se matrem, verecundetur autem sese agnoscendum dare et causam luctus profiteri amore motus, ne beatae mulieris manes infestor habeat propter periurium quoddam, subito coeptum iusiurandum abruptit et ita iurat, ut iurasse poenitere non possit. Atque vel quum additur deus iurativus per apostrophein fori posse, ut iusiurandum non factum et patratum videatur, indicio est Aristaeon II, 16: Ἄλλ' ἔγωγε μὰ τοὺς Ἑρωτας... μαθήσει δὲ πέλας, καὶ τί γὰρ με περικτὸν ἀποτελέσας τὸν ὄρκον; παρὸν τοῖς ἔργοις ἑμυνην ἑμπεδῶσαι. Deest nimirum post iusiurandum illud haec fere sententia: ἢ μὴν οὐκέτι οὕτως εὐπειθῇ με παρέξω. Sed ceterarum auctoritas formularum angustius se habet; iuvabit tamen illarum cognosce naturam. Suidas igitur, vel quisquis Suidae verba praeivit, quum plerisque iuramentis nullum addidisset interpretamentum, formae ναὶ μὰ τὰς vim hanc esse dixit, ὥςπερ εἴπερ εἴποι τις Μὰ τὰς Χαρίτας, et formas νῆ τήν et μὰ τήν ad eandem similitudinem compositas esse. Itaque earum formularum, quae sunt feminiini articuli et pluralivi numeri, aliam esse originem atque singularis et masculini, non obscure significat. Harum enim, nisi facta est apostrophe, a qua de masculinus singularis quidem abhorret, interpretatio esse nulla potest (sunt enim fere perfecta sua sponte formulanda), in illis autem omnibus aliquid suppleri potest, quod mente conceptum non promulgatum est. Non debebat igitur Koenius, vir eruditissi-

mus; ad Gregor. Coriath. l. c. formulae *ναὶ μὰ τὰς* eandem, quam verbis conceptis *ναὶ μὰ τὰς* *Ἄρπυιαι* vim subiectam dicere; negat enim Suidas se hoc usquam docuisse, nod hoc voluit potius *ναὶ μὰ τὰς* iurantibus aliquas deas ante factum silentium nominatim obversatas esse; poteratque in eodem iure Gratiis ex conjectura multas alias deas substituere: *ναὶ μὰ τὰς Νύμφας* (uti iurat Long. Pastoral. II. pag. 45; III. pag. 73; IV. pag. 120.), vel *ναὶ μὰ τὰς Μαῖρας* (Theocrit. II, 166), vel *ναὶ μὰ τὰς Ἐλευσινίας Θεάς* (Alciph. II, 3), vel *ναὶ μὰ τὰς σεμνάς Θεάς* (Dinarch. Demosth. 64. Bekk.), vel etiam *ναὶ μὰ τὰς πάσας Θεάς* (Xenoph. Anab. V. 9, 31), vel si diis placet, id quod aliquando lusit Demosthenes, *μὰ τὰς κρήνας, μὰ πατάμους, μὰ νάματα* (Plutarch. Tom. IV, pag. 390. Wytt.). Hinc non dubium est, quin et *νὴ τὴν* et *μὰ τὴν* et *ναὶ τάν* et *ναὶ μὰ τὰς* et *μὰ τὰς*, quae formae Suidae et Photii et Hesychii testimonio nituntur, et ceterae quoque formae similes, quas nec grammaticorum nec veterum scriptorum auctoritas tueretur, antiquis in usu esse potuerint, quippe per obticentiam excusabiles.

Ex viginti igitur formulis, quas supra posuimus, hae tres plerumque pro perfecta iuratione valent: *ναὶ μὰ τόν*, *οὐ μὰ τόν*, *νὴ τόν*, (similes et pares iurationes Doricensium *ναὶ τόν* et *οὐ τόν* fortuito ab antiquo auctore nullo commemoratae sunt); quae possunt ex obticentia ortae esse, earum novem nominatim proditae sunt: *ναὶ μὰ τόν*, *ναὶ μὰ τὴν*, *ναὶ μὰ τὰς*, *οὐ μὰ τόν*, *οὐ μὰ τὴν*, *οὐ μὰ τὰς*, *νὴ τόν*, *νὴ τὴν*, *ναὶ τάν*; ceterae et fortasse plures etiam (dualis numeri dico et neutrius generis), casu factum est, ut ab antiquo teste non praestarentur.

In tanta igitur multitudine et delectu iurationum, in quibus libidini et audaciae plurimum loci est, cum nonnulli antiquorum scriptorum loci his elegantissimis colorati, ut supra vidimus in Platone, videantur esse oblitterati, non mirum est, quod recentiore tempore multi istos iustus antiquis certatim obtrusum ierunt licet adversantibus saepe atque invitis. Nam formulae *ναὶ μὰ τὴν* et *οὐ μὰ τὴν* fingi non potest, quam multos invenerint amatores et patronos. Qui si in integris saltem libris antiquis acutos se et sollertes prae buissent, ut ex fusioris orationis perpetuitate indicari posset, recte an perperam istae formulae adhibitae essent, quippe orationem derepente praecedentibus aptae, facilius posset in utramque partem disputari; sed cum viri docti coniecturas suas fere laqueis locis et fragmentis solitariis inferant, ut iam aliorum vituperationem subierunt, ita mihi venia parata erit assensum cohibenti. Namque Hemsterhusio quidem in Theophili fragmento apud Athenaeum XI, c. 44 (Tom. IV, pag. 249):

Οἶδ' ἂν Αὐτοκλῆς
Οὕτως μάτην τὴν εὐρυθμῶς τῇ δεξιᾷ
Ἀρασαν ὤμων.

μὰ τὴν pro *μάτην* scribenti contigit, ut F. A. Wolfium et Jacobium nanciaceretur adstipulatores, donec Schweighauserus, melior conector, *μὰ τὴν Ἰῆν* corrigens et Meinekium et Dindorfium expertus est subscriptores. Deinde Menandri fragmentum ab Hesychio proditum *Οὐ μάτην, οὐκ ἀληθῶς*, ut utar Meinekii verbis, dici vix potest, quam largam grammaticis disputandi materiam prae-

buerint. Sed Bentleyi coniecturam $\mu\alpha\tau\acute{\alpha}\nu$ corrigentis, ab Hemsterhusio et Meinekio probatam improbare Lambertus Bos, Henschius, Passovius, alii alia coniectantes. Videlicet haec res ex his est, quae certo sciri nequeant. Videtur quidem in Hesychiano loco delitescere illud iuramentum, sed nisi locus etiam gravioribus vulneribus laborat, mirum est, quod Hesychius in locutione perquam rara et extra tenorem orationis vix enodabili unum illud vocabulum ἀληθῶς, non plura verba pro interpretatione adscripsisse, apertiusque dixisse putetur. Infelicius etiam rem gesserunt Abreschius Dilucid. Annotar. pag. 390, et Toupius Emendatt. in Hesych. et Suid. Tom. II, pag. 324; ille in Porphyrii loco Οὐδὲ γὰρ ἀνδρωπορ πάντες καλῶς ἢ μάτην ἀν ἀγῶνα καὶ νικῶντες ἦσαν καὶ ἡττώμενοι, acsuum, inquit, turbat ἢ μάτην, sed dederat, ni fallor, καὶ μὰ τήν. Quod ne Graecum quidem est; oportuit enim saltem οὐ μὰ τήν dictum. Toupius vero in Damascii apud Photium loco Γυναῖκα παιδοποιὸν ἄγεται, ὡς δ' οὐκ ἐπέθεται τὸ δαιμόνιον τῆς γυναικὸς ἐξελεῖν λόγοις ἡμερωτέροις, ὅρῳ αὐτὸ ἐπηνάγκαζεν ὁ Θεοσέβιος, καίτοι οὔτε μαγεύειν εἰδὼς, οὔτε τεουρηίας μάτην μελετήσας, diducto vocabulo μὰ τήν scribi iussit. Cui utrique loco non video quidni conveniat μάτην, i. e. tamere, inconsulto, ἀνεξετάσπως, quae est glossa apud Sophocl. Qod. R. 609:

Οὐ γὰρ δίκαιον, οὔτε τοὺς κακοὺς μάτην
Χρηστοὺς νομίζειν, οὔτε τοὺς χρηστοὺς κακοὺς.

Itaque utriusque coniectura, ut verum fatear, — ἐκ πίνακος καὶ πυλαίας. Postremo Toupius eandem coniecturam non verecundatus est ingerere Plutarcho Cleom. c. 4: Ὁ Κλεομένης ἐθρασύνετο πρὸς τοὺς πολίτας καὶ τῶν παλαιῶν τιμῶν αὐτοῖς ἀνεμίμνησκε βασιλέων, εἰπόντος, ὅτι μάτην Λακεδαιμόνιοι πυνθάνονται περὶ τῶν πολεμίων, οὐ πρόσσι εἰσὶν, ἀλλὰ πού εἰσιν. Quo loco hoc certo bene cessit, quod in continenti ac perpetua oratione facilius fuit iudicii temeritatem effugere. Ac primum hoc patet, obtinentiam apud Plutarchum nullum locum dari, sed Cleomenis, vel Agidis dictum uno tenore et sine ulla vocis intermissione esse pronuciandum. Deinde a ratione absonum est, quod Laconum regem Toupius non saltem per τὸν Ἐγγάλιον (Plutarch. Apophth. Lacon. Tom. I. p. 934), vel τὰ σιῶ (Aristoph. Lysistr. 983; Xenoph. Hellen. IV, 4, 10), vel per alterum Castorem (Aristoph. Lysistr. 988.), vel per alium aliquem deorum ex robustiore cohorte, sed per deam inducit iurantem idque ne explicate quidem aut expresse, sed minutatim et eorum more, qui in lutorio vel in amatorio sermone faceti esse volunt. Tum ego in legendis Plutarchi operibus hoc mihi animadvertisse videor, rem aliquam per varias seduli scriptoris disputationes saepius ab eo traditam aut fere iisdem verbis narrari solere aut leviter modo inflexis. Atqui legitur vox illa regis Laconici praeter illum locum etiam Apophth. regg. et imperatt. Tom. I. pag. 755. et Apophth. Lacon. I. pag. 859. Utrobique Agidis esse perhibetur. Legitur idem dictum sub eiusdem Agidis nomine etiam apud Stobaeum Serm. VII. (Tom. I. pag. 194. Schow.), fortasse ex ipso Plutarcho huc translatus. Sed illud μάτην, quod in Cleomenis vita merito offensioni est, nusquam deprehenditur. His ego causis in eam sententiam deducor, ut iusiurandum decurtatum ab illo loco alienum et vocem suspectam, ut suppositiciam, abiiciendam esse putem. Fortasse μάτην aliquis eorum, qui

Plutarchum legebant, in margine codicis sui adscriptis significabaturque, frustra Lacedaemonibus a Cleomene pristinae maiorum fortitudinis admonitos esse, utpote parvis virtutis non iam potentes.

Reliquum est, ut de quinque Luciani locis disputem, qui emendationem videntur expectare. Sunt autem hi: Fugitiv. c. 29: Ἡράκλῆς· Χαῖρε, ὦ ἀρίστε καὶ μονοκωτάτε Ὀρφεῦ, οὐκ ἐπιλέλῃσαι γὰρ πον Ἡρακλέους. Ὀρφεὺς· Νῆ καὶ ἐμεῖς γε, ὦ Φιλόσοφια καὶ Ἡράκλῆς καὶ Ἑρμῆ. Dial. deor. XX, 7: Ἑρμῆς· Χαῖρε, ὦ βουκόλε. Πάρις. Νῆ καὶ σὺγε, ὦ νεάνισκε. Ibid. XXII, 1: Πάν. Χαῖρε, ὦ πάτερ Ἑρμῆ. Ἑρμ. Νῆ καὶ σὺγε. Dial. mortuor. XX, 3: Μένιππος· Χαῖρε, ὦ Εὐφορβε, ἢ Ἀπολλων, ἢ ὁ, τι ἂν ἐθέλης. Πνδαχ. Νῆ καὶ σὺγε, ὦ Μένιππε. Timon. c. 46: Γναθωνίδης· Χαῖρε, Τίμων εὐμορφότατε καὶ ἡδίστε καὶ συμποτικώτατε. Τίμων. Νῆ καὶ σὺγε, ὦ Γναθωνίδη, γυπῶν ἀπάντων βορώτατε. In his locis admodum similibus offensionem habet νῆ a communi et antiquitus tradito usu deflexum. Quae causa movit Porponem, ut, quam Dialogos mortuorum ederet, νῆ in ναί mutaret et communem consuetudinem contra codicum fidem restituere sibi videretur. Aliam viam ingressus Lehmannus Tom. II. pag. 360 maj. ed.: „Quid impedit, inquit, quominus decurtatum quoddam iusiurandum statuamus, quo posterioris Graecitatis homines in vulgari maxime sermone usi fuerint. Certe quatuor, quae nunc mihi nota sunt (mihi quinque innotuerunt) „horum librorum loca, ubi certa est et constans omnium exemplarium scriptura, sic leviter in gratiam modo Grammaticorum mutare religioni habebam. Caveatur modo, ne particula νῆ pro praepositione proprie sic dicta sumatur, et remota iam erit gravissima novae huius, si diis placet, ellipseos offensa.“ Mihi vero neutrius sententia satisfacit. Nam sive ναί scilicet, sive νῆ retines, certe non iuramentum est, ne decurtatum quidem, neque sit apostrophe. A plebeis autem hominibus per solocicismum a consuetis vocis νῆ syntaxi descitum esse, probandum aliquo documento Lehmanno erat. Huc accedit, quod ne certa quidem et constans est tam, quam affirmat Lehmannus lectio. Nam in Timone certe et in dialogo mortuorum a codice Augustano praebetur lectio νῆ Δία. Iam vero quum, ut ait Plato (Diog. Laert. III, 63), princeps pars humanitatis sit consalutatio, apud antiquos morem fuisse videmus, ut, qui amice salutati essent, ne vincti viderentur comitate sed gratum et exoptatum esse sibi salutantis occursum significarent, redditam salutem haud raro confirmarent iuramento, non decurtato et Lehmanniano, sed integro ac legitimo. Aristoph. Ran. 164:

Ἡρακλῆς. Καὶ χαῖρε πόλλ' ὡδέλφῃ. Διονύσος. Νῆ Δία καὶ σὺγε
Υγίαινε.

Plutarch. Bruta ratione uti cap. 2: Γεῖλλος· Χαῖρε, Ὀδυσσεῦ. Ὀδυσσεὺς. Καὶ σὺ, νῆ Δία, Γεῖλλε. Plaut. Trinum. I, 2, 10:

Callicl. O amice salve atque aequalis: ut vales,

Megaronides? Meg. Et tu Edepol salve, Callicle.

Call. Valen? valuist' in? Meg. Valeo et valui rectius.

quo loco ita festinat Megaronides ad salutem religiosam reddendam, ut, quid ex eo quaesitum esset, oblitus denuo interrogetur necesse sit. Terent. Hecyr. I, 2, 7:

Parmeno. Philotis, salve multum. Philotis. O salvo, Parmeno.

Syra. Salve Mecastor, Parmeno. Parm. Et tu Edepol, Syra.

ad quem locum animadvertit Donatus: „Olim salutantes addebant iusiurandum, ut hoc sedulo facere viderentur.“ Similis affectus causa Graeci tragici, a quibus aliena sunt vulgatissima illa in quotidiana vita iuraturanda, salutationibus saltem interiectionem ω praemittere solent (Porson, ad Eurip. Orest. 470. et Elmslej. ad Med. 648). His de causis, ut redeat, unde egressa est oratio, ita demum Lucianum restituere videmur, ut Augustani codicis vestigia secuti illic quinques pro $\nu\eta$ scribamus $\nu\eta$ $\Delta\iota\alpha$ et praeclarum istud fortissimi editoris iusiurandum pro eo ac meruit in perpetuum relegemus.

Extremum est, ut, quae apud Romanos reperiantur praecisa iuramenta, videamus; sed de his multo paucioribus defungi licebit. Romanorum enim iurandi formulae Mehercules, Mehercule, Mehercle, Mecastor, Ecastor, Edepol [Epol], Equirine, Eiuno, Ecere [Ecer], Medius fidius, fortasse etiam Edi et Medi, cum pro integra sententia ponantur (Ita me Hercules amet, iuvet), ita iam sunt ipsae per se decurtatae, ut denuo in brevius contrahi non potuerint. Quare nisi hae ipsae interiectiones pro ellipsi iurisiurandi accipiantur, a Graecis tamen ita discretas, ut deorum iurativorum nomina quasi per involucrum recognosci patiantur: nullum reperitur apud Romanos iusiurandum, quod cum tralaticio Graecorum iuramento $\mu\alpha\tau\epsilon\rho\tau\omega\nu$ comparari possit. Obtentiae autem in iurando exempla non prorsus desunt. Etenim cum mos esset Romanorum, ut in fide publice privatimve danda, si fallerent, se ipsi exsecrarentur in eaque exsecratione omnis vis iurisiurandi inesse crederetur (Plutarch. Quaest. Rom. 44.): sicuti Graecis in conceptis formulis consponsorem fidei deum omitti interdum placuit, ita Romani in familiari sermone, facta quasi pactione et conditione, qua se quid facturos aut non facturos appromitterent, nonnunquam per aposiopesis omittebant exsecrationem. Cic. pro Ligar. 10: Si unquam posthac..... Supple: *(tale quid iterum commiserit-commisero-), habeat-habeam-per te summum infortunium.* Infortunium enim habiturus esse dicitur filius, si pareat patri (Liv. I, 50. fin.). Apud patrem autem isto modo agi solere, si cuius delicti filium poeniteat et stomachantis patris animum reconciliare instituat deprecator, refert Cicero. Itaque non nimis dira exsecratio suppleri debet. Quamquam illud mihi frigere videtur, quod Ciceronis interpretes supplent non deprecabor, inducti illi loco Terent. Phorm. I, 2, 92:

Ceterum

Posthac si quidquam nihil precor.

Hoc enim loco non pro filio apud patrem, sed pro servo apud dominum agi dicitur, ad quam rem minus efficaces preces adhiberi solent:

Tantummodo

Non addat: Ubi ego hinc abiero, vel occidito.

Multo autem fortior, quam deprecantis, graviter irascentis execratio esse debet per aposiopesin omissa Terent. Adelph. I, 2, 55:

Profundat, perdat, pereat, nihil ad me attinet.
Jam si verbum unum posthac

Supple:

(faxo), pessumis
Me exemplis perduit magnus ille Juppiter!

Cf. Terent. Andr. IV, 4, 51: Si pol Glycerio non omnia haec.....

G. A. Schroeder.

Errata.

- Pag. 3. lin. 7. post Aristoph. lege: Ran.
- 5. - 26. pro *χοιόρια* lege *χιόρια*.
- 9. - 1. - praebuerint lege praebuerit.
- 9. - 14. - tamere lege temere.



